



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Physical Planning Construction and  
Environmental Protection**

Broj:05-04-20702-18/20  
Sarajevo, 30.06.2020.godine

**SKUPŠTINA KANTONA**  
**N/r gosp. Mirza Čelik, Predsjedavajući**  
**OVDJE**

**Predmet:** Odgovor na pitanje zastupnice Amre Junuzović-Kaljić

Ministarstvu prostornog uređenja, građenja i zaštite okoliša dostavili ste zastupničko pitanje zastupnice Amre Junuzović-Kaljić postavljeno na 26. Radnoj sjednici Skupštine Kantona Sarajevo, održanoj dana 16.06.2020.godine, u okviru tačke Dnevnog reda "Poslanička pitanja, inicijative i odgovori", u vezi sa kontrolom radova na Baščaršiji, a radi odgovora na isto.

Pitanja su upućena ovom Ministarstvu i Kantonalnom zavodu za kulturno-historijsko i prirodno nasljeđe Sarajevo i glase:

1. Da li su uključeni u proces odobravanja radova na prostoru Baščaršije?
2. Da li se ovi radovi kontrolišu putem inspekcije ili drugih organa?
3. Ko vrši nadzor nad izvođenjem radova i kako pomenuti radovi utiču na našu kulturno – historijsku baštinu?

Ministarstvo prostornog uređenja, građenja i zaštite okoliša, nakon prijema upita zastupnice Amre Junuzović-Kaljić iste je razmotralo u okviru svoje nadležnosti, te Vas obavještavamo slijedeće:

Komisija/Povjerenstvo za očuvanje nacionalni spomenika Bosne i Hercegovine je na 61. sjednici održanoj u aprilu 2014.godine donijela Odluku o proglašenju nacionalnim spomenikom Bosne i Hercegovine "Historijsko gradsko područje – Sarajevska čaršija" ("Službeni glasnik BiH", broj 42/14).

Prema odredbama Zakona o provođenju odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u BiH ("Službene novine FBiH", br. 2/02, 27/02, 6/04 i 51/07) nacionalni spomenici uživaju najviši stepen zaštite u Federaciji BiH, a za implementaciju odluka Komisije odgovorni su federalni organi vlasti, a prije svega Vlada FBiH, Federalno ministarstvo prostornog uređenja (nepokretna dobra) i federalna uprava za inspeksijske poslove.

Shodno Aneksu 8. Općeg okvirnog sporazuma za mir u BiH i odredbama navedenog Zakona, nadležni organi FBiH, kantona, gradske i općinske službe, te sva druga pravna i fizička lica dužni su da se suzdrže od preduzimanja bilo kakvih radnji koje mogu oštetiti nacionalni spomenik ili dovesti u pitanje njegovu zaštitu i rehabilitaciju.

Imajući navedene odredbe odobravanje radova na području Historijsko gradsko područje – Sarajevska čaršija je u nadležnosti Federalnog ministarstva prostornog uređenja uz obavezno učešće



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031

Sarajevo, Reisa Džemaludina Čauševića 1



Zavoda za zaštitu spomenika Federalnog ministarstva kulture i sporta. Pitanje nadzora nad izvođenjem radova sa i bez odobrenja na predmetnom području je u nadležnosti federalnih inspeksijskih organa.

Federalno ministarstvo prostornog uređenja rješavajući po zahtjevu, iz okvira svoje nadležnosti, uključuje kantonalno ministarstvo prostornog uređenja kao po potrebi i druge organe i institucije, a sve u skladu sa odredbama člana 40. Zakona o prostornom uređenju i korištenju zemljišta na nivou Federacije BiH ("Službene novine Federacije BiH", br. 2/06, 72/07, 32/08, 4/10, 13/10 i 45/10).

S poštovanjem,

Dostaviti:

- Naslovu
- Vlada KS
- a/a

